

24 Heol y Gadeirlan / Cathedral Road
Caerdydd / Cardiff CF11 9LJ
Ffôn / Tel: 029 20 320500
info@audit.wales / post@archwilio.cymru
www.audit.wales / www.archwilio.cymru

Mr Chris Moore
Swyddog Adran 151
Cydbwyllgor Partneriaeth Pensiwn Cymru
d/o Cyngor Sir Gaerfyrddin
Neuadd y Sir
Caerfyrddin
CF31 1JP

Cyfeirnod	JG-SBCDR
Dyddiad	4 Medi 2019
Tudalennau	1 o 2

Annwyl Chris

Cydbwyllgor Partneriaeth Pensiwn Cymru

Yn unol â gofynion Adran 12 ac Adran 14 o Ddeddf Archwilio Cyhoeddus (Cymru) 2004, rwy'n rhoi fy adroddiad ar ffurflen flynyddol cydbwyllgor Partneriaeth Pensiwn Cymru ar gyfer y flwyddyn a ddaeth i ben ar 31 Mawrth 2019.

Rwyf wedi gwneud ein gwaith yn unol â'r gweithdrefnau penodedig a gyhoeddwyd gan Archwilydd Cyffredinol Cymru. Yn gryno, mae'r gweithdrefnau hyn yn ei gwneud yn ofynnol i ni ystyried a yw'r datganiad cyfrifon blynyddol:

- wedi'u paratoi ar sail resymol (er enghraifft, bod y ffigyrau'n cyd-fynd â'r cofnodion sylfaenol a ddefnyddiwyd wrth eu paratoi ac yn gyson â thrafodion a gofnodwyd yng nghyfrifon statudol yr awdurdodau lleol cyfansoddol ar gyfer yr un cyfnod adrodd); ac
- yn cynnwys ffigyrau cywir.

Adroddiad archwilio ar ddatganiad cyfrifon blynyddol Cydbwyllgor Partneriaeth Pensiwn Cymru ar gyfer y cyfnod a ddaeth i ben ar 19 Mawrth 2019:

Ar sail ein hadolygiad, yn ein tyb ni, mae'r wybodaeth sydd wedi'i chynnwys yn y Ffurflen Flynyddol yn unol ag arferion priodol ac nid oes unrhyw faterion wedi dod i'n sylw sy'n rhoi achos i bryderu na chydymffurfiwyd â deddfwriaeth berthnasol a gofynion rheoleiddiol.

Materion eraill

Ar sail ein hadolygiad, rydym yn tynnu sylw'r Pwyllgor at y mater canlynol a'r argymhelliad isod nad yw'n effeithio ar ein barn archwilio ond y dylai'r Pwyllgor fynd i'r afael ag ef:

Gweithdrefnau cyfrifyddu

Mewn blynyddoedd yn y dyfodol, wrth i Gronfeydd Buddsoddi newydd gael eu datblygu ac i Gronfeydd Pensiwn unigol ailddyrannu eu buddsoddiadau i drefniadau Partneriaeth Pensiwn Cymru, mae'n debygol y bydd angen i'r cydbwyllgor gwblhau set lawn o ddatganiadau ariannol sy'n cydymffurfio â Chod CIPFA.

Bydd yn bwysig bod y cydbwyllgor ar y cyd â'r Cronfeydd Pensiwn cyfansoddol yn cadarnhau yn union pa incwm, gwariant, asedau a rhwymedigaethau y dylid eu cynnwys

yn natganiadau ariannol y Pwyllgor mewn blynyddoedd yn y dyfodol a beth sy'n cael ei ddatgelu yng nghyfrifon Cronfeydd Pensiwn unigol. Dylai pob Cronfa Bensiwn gyfansoddol roi cyfrif am eu cyfran o ddatganiadau ariannol y Pwyllgor a gwneud datgeliadau priodol mewn perthynas â chydbwyllgor Partneriaeth Pensiwn Cymru.

Argymhelliad – Mae angen i'r gweithgor swyddogion ystyried a chytuno sut y mae incwm, gwariant, asedau a rhwymedigaethau mewn perthynas â Phartneriaeth Pensiwn Cymru yn cael eu datgelu yng Nghyfrifon y cydbwyllgor a'r Cronfeydd Pensiwn unigol. Rwyf wedi cwblhau ein cyfrifoldebau mewn perthynas â'r datganiad cyfrifon blynyddol sy'n ymwneud â chydbwyllgor Partneriaeth Pensiwn Cymru ar gyfer y flwyddyn a ddaeth i ben ar 31 Mawrth 2019.

Ann Marie Harkin

tros ac ar ran Adrian Crompton, Archwilydd Cyffredinol Cymru